

北京圖書館 編

北京圖書館藏珍本
年譜叢刊

第 182 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 182 冊

第一八二冊目錄

晏海澄先生年譜卷三至卷末	一
惜分陰軒主人述略	三三一
梁母潘太夫人年譜	四四一
心乾氏自編年譜	四六七
陳玉蒼先生年譜	四八五
陶廬老人自訂年譜	五〇五
崇德老人八十自訂年譜	七三一

晏海澄先生年譜卷三

金華金兆豐雪孫編

民國元年壬子公六十二歲

正月畔兵焚掠京邑震驚京曹南遷十室空九時公
猶居涑水憂患侵尋纂述都廢而抑騷憤嘆偶見之
於詩歌檢求遺著尙存二月六日涑水感懷七律一

章詩曰燕南趙北易東西鴻爪重重印雪泥

宣統紀元余曾

兩過涑水而至西陵去年冬涑水昔年堪拒馬

拒馬河本

避居於此迄今又數閱月矣涑水昔年堪拒馬

拒馬河本

涑水晉劉琨守此以祖莊中夜尙聞雞

祖逖與劉琨同爲司州主

簿中夜聞雞起舞然逖爲道人今涑水縣

東北二十里祖各莊其故里也逖墓在焉

相將起舞

晏海澄先生年譜

卷三

一

人何在欲著先鞭路正迷

劉琨曰嘗恐祖生先我着鞭先應讀去聲若先鞭二字連用則讀此日金臺無覓處

俗傳黃金臺不一其地無能確指為某處

作平聲是否

荒村聊借一枝栖

十日復和涑水李秀山七律一

章曰太行形勝北京師滄海桑田又一時聞道易涑

為巨浸

周禮并州其浸涑易

定知幽冀有神樵

祖訥謂梅陶鍾雅曰君汝穎之

士利如錐我幽冀之士鈍如椎持我鈍椎捶君利錐

皆當摧矣陶雅並稱有神錐不可得捶訥曰假有神

錐必有神樵

騎牛老子經猶在射虎將軍氣不衰匹馬短

衣吾已慣從君試獵釜山陲

釜山在涑水北境縣志以為黃帝合符於此

厥後亂稍定仍歸居商山館舍日與吳公蓮溪劇

談為樂談必移晷或至漏三下廼散當道數彊起之

弗應財政部長官熊公秉三 希齡 周公緝之 學熙 以

公爲計學專家先後聘爲顧問亦弗就辭榮處晦聲
影交裁而閭里暴徒廼以其嘗爲顯宦橫思摧辱鬼
彈蜚矢叢集衡泌患幾不測而公夷然不以爲意深
維孟子橫逆自反之義諸葛公苟全性命之言括步
檢衿斤斤奉律爲謹人卒亡如之何也 八月女樹
蕙生

民國二年癸丑公六十三歲

十月次孫女棠徵生 十一月任命公爲四川鹽運
使自辛亥國體變更後川鹽益夢公私交困當道迭

簡使皆畏蜀如虎弗敢承而一二時彥號稱諳鹽法者且以川鹽值貴所處散漫僻遠又督亂不便理昌言當汰除之川民日夜號譁輦下亟得一職任雄峻知大體有幹實者籌所以整飭之然后執亡所左右而衡廼平時項城爲總統廉公能謂川鹽之治微公莫屬遂拜四川鹽運使之命令甫下川民懽悅望公如望歲焉而公之戚友以蜀道山阨川隄隻身踏數千里出入於干戈擾攘中咸尼之而公不計旤福不避艱險它人所視爲畏途者公獨毅然不顧力疾入川項城故舊交也甲午之役同隸清帥麾下此次蜀

行特派兵士一連沿途護衛公感知遇冒雪遄征至十二月二十八日始抵沙市遂留此度歲焉

民國三年甲寅公六十四歲

元旦日沙市樵運局局長舒君賓于邀公遊荊州城是日天朗氣清公率隨員數人入東門訪張江陵故園逕南門謁關壯繆廟出西門登龍山寺西望荊州北瞻霸陵形勢歷歷如繪日影既西歸飲百丈園徧歷亭臺花木諸勝初六日啟行翌日到宜昌四川紳商在宜昌沙市接待周至公亦於兩處各繫維數日開引羣慮研盡眾謀長短畢陳當否立見人皆

服其敏斷聞有挾鉅貲備餽遺者卒憚公嚴正不敢發其風政克立又如此 十七日拏舟十一艘自宜昌至歸州中途風色不善公亟止之而它船已被覆二十四日行至巫峽刀子石亦曰跳石去巫城十六七里軍官委員所乘舟猝遇險先是此間津逕舟行甚穩自光緒二十二年八月間旁近山峒穹石實隊湧而爲灘號曰青龍兩山相峯中流激湍往往驚飈節汨駭浪雷殷孤舟洄漩時聞覆沒故其旁泊有夔巫球生船頃者罹險水勢悍亟放溜如鳧鷖衝流數里外全船被淹軍械含漬幸獲球未傷一人公廼

斥私財加意撫卹失事官兵同聲銜感公於此時立
桅竿旁目擊前船慘狀焦魂失宇然已驚悸成疾矣

二十五日住巫山縣城 越日知事馮君淦拏舟

四艘護送至夔州或勸公且住爲佳就醫療治公弗
聽前進不少怯抵渝城酬應紛繁病未稍差重以政
事叢集擅精文案眠食俱廢幾不克支振而川督及
民政長復函電趣公晉省公猶欲一賈餘勇藉此與
商治鹽辦法嗣以運署罅漏補苴匪易而鹺政又夢
如亂絲遂不得不變計赴瀘先其所亟廼致書於胡

文瀾都督

景伊

陳幼蓀民政長

廷傑

云安瀾自承乏

蜀離以來荷蒙眷注信使駱驛函電交馳地方文武各官無不仰承德意備極東道之誼私衷感激莫可言狀本擬由渝入省面聆教言無奈鹽務尙無頭緒運署又須組織不能不先赴瀘城稍爲部署然後由富榮犍樂以至成都趨謁崇階縷陳愚悃相需甚殷相遇甚疏此之謂也方今各省鹽務均須改革而迄無善法以易之就場徵稅自劉晏而後千有餘年無人繼起就場官專賣亦與就場徵稅小異大同要之皆以大同均稅爲基礎厥稅不均則無論就場徵稅與就場官專賣皆窒礙而難行雖然天下事有不均

之均不平之平亦有均而不均平而不平者不揣其
本而齊其末豈非意過其通者乎就場官專賣之說
出於鹽政討論會當朝一二名公雖力主之尙未知
何時見諸實行若就場徵稅則雲南行之河東行之
奉天亦行之然較之綱票各法亦均屬魯衛之政四
川行之則於國於民於商三者均不利焉何者奉天
鹽行東三省而吉林黑龍江則皆辦官運河東鹽行
晉陝豫三省而陝西渭北十九州縣及河南汝州等
處亦辦官運已非完全就場徵稅之法雲南則欲辦
官運以救之而苦於成本之難籌故事不果行此皆

已往之成迹可爲現在之前車者且奉天雲南鹽務前清時代均未加意經營其法甚疏無足置論若河東則雖改爲就場徵稅而每年晉豫陝三省均有一定之引額仍與綱法無以大異其運鹽者除官運外雖曰民販而箕裘相承實與專商無甚大異今四川之就場徵稅則大商猶是也而引額全無矣名曰場稅實則關稅耳而部中方且以前清官運歲入之稅釐加價等項收數責之今日可乎不可竊謂天下事自無定而有定則治自有定而無定則亂鹽法亦然淮南北之改綱爲票變有定而爲無定者也淮北四

十二州縣之引岸分爲票販湖販豫販淮南旣分場
商運商而運商又分鄂湘西皖四岸是仍分岸也其
後商運皆循環轉運是仍專商也是皆變無定而爲
有定者也今世學者一見鹽商則恨之入骨而必欲
破除引岸今昔情形不同變通之可也一概破除則
不可也專商之割握一二縣或數縣或一縣之數村
巡丁密布禁網森羅民間動輒觸犯敢怒而不敢言
變通之可也消滅之則不可也且運道各有便利民
食各有習慣其中有天然之引岸未可以人力強爲
破除也或就場徵稅或就場官專賣均之不能無商

既有商矣卽不能禁其繼續營運無專商之名未必卽無專商之實未可以官法強爲消滅也安瀾自沙市以至渝城親見就場徵稅之害熟聞官紳商民之議自顧學識淺陋才力綿薄何能望丁文誠公之萬一文誠苦心孤詣經營蜀鹽改興官運利於國利於商並利於民成規具在仿而行之可以不勞而理但官運雖善終有與民爭利之嫌且不得其人弊亦難免故徵求意見採取輿論欲仿照官運舊制變通辦理師其意而不泥其跡就各廠之鹽定各廠之岸化官運而爲商運立一全省運鹽公司使之承上起下

而輕其權並立各岸分公司使之認引納稅而專其責已得多數之贊成而新舊之爭內外之爭眾寡之爭強弱之爭因之而起再四磋磨迄無定論適川省鹽務協會代表孫榮在京陳述意見以規復引岸爲言財政部大加申斥飭令曉諭商民遂使分岸之計畫盡付子虛商民均索然氣盡然無專商可也無定岸無引額不可也有定岸而不分岸與無定岸同有額引而不分引與無額引同安瀾舊官僚也老腐敗也只知事實不知學說處此困難一籌莫展愧受川人之懽迎辜負川人之希望顏汗心灰唯有引身而

退耳且年逾六旬江行遇險驚悸成疾到渝兼旬酬
應紛繁晨夜辦理公牘眠食俱廢暮年如此其能久
乎家在陝西之南山計自瀘城取道東鄉太平不過
二千里內外歸途在望爲期不遠但國家安危川鹽
利鈍不敢知耳言念及此罪戾彌深屬在同舟何以
教我晨起愁悶拉雜言之尙乞賜以南鍼俾開茅塞
書上遂決意入瀘州 四月得胡文瀾都督覆函亦
主設立運鹽公司其函云迭奉惠翰敬諭使節由渝
赴瀘略爲部署取道富犍入省襜帷在望晤教匪遙
欣忭無已承示整理鹺務方略洞悉利弊瞭如指掌